



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **M. Fabii Quintiliani Institutionum Oratoriarum Libri Duodecim**

Summa diligentia ad fidem vetustissimorum codicum recogniti ac restituti

**Quintilianus, Marcus Fabius**

**Lugd. Batav. ; Roterodami, 1665**

Cap. II. De figuris sententiarum.

**urn:nbn:de:hbz:466:1-12945**

cetur: <sup>1</sup> ut supplicet: <sup>2</sup> ut medeatur: ut à proposito declinet aliquantulum: ut optet: ut execretur: ut fiat iis apud quos dicet, familiaris: atque alias etiam dicendi quasi virtutes sequatur: brevitatem, si res petet: sæpe etiam rem dicendo subjicit oculis, sæpe supra feret quam fieri possit: significatio sæpe erit major quam oratio: sæpe hilaritas, sæpe vitæ naturarumque imitatio. Hoc in genere (nam quasi silvam vides) omnis eluceat oportet eloquentiæ magnitudo.

<sup>1</sup> Ut supplicet.] Plus est supplicare quam deprecari. sit autem ab oratore cum *supplex* obtestatur judices & obsecrat. *Idem.*

<sup>2</sup> Ut medeatur.] Intelligent multi επιθεπάνσοις, sed videtur potius significari *apologia*, qua aliquid purgamus: ideoque antea Cicero *purgationem appellabat. Idem.*

## C A P. II.

## De figuris sententiarum.

ERGO cui latius complecti conformatio[n]es verborum ac <sup>2</sup> sententiarum placuerit, habet quod sequatur: nec affirmare ausim quicquam esse melius, sed hæc ad propositi mei rationem legat. Nam mihi de his sententiarum figuris dicere in animo est, quæ ab illo simplici modo indicandi recedunt: quod idem multis doctissimis viris video placuisse. Omnia tamen illa etiam quæ sunt alterius modi lumina, adeo sunt virtutes orationis, ut sine his nulla intelligi vere possit oratio. <sup>1</sup> Nam quo modo judex doceri potest, si deficit illustris *explanatio*, *propositio*, *promissio*, *finitio*, *sejunctio*, *expositio sententiæ suæ*, *rationis apta conclusio*, *præmunitio*, *similitudo*, *exemplum*, *digestio*, *distributio*, *interpellatio*, *interpellantis*

Si quis sententiam *Ciceronis* velit sequi, non magnopere refragabitur *Fabius*: existimat tamen esse *figuram*, cum variatur simplex enunciandi & indicandi ratio. Turneb.

<sup>1</sup> Nam quomodo.] A tribus officiis oratoris ostendit orationem maxime

ornari illis luminibus, quæ à *Cicerone* ponuntur inter *figuras*, esse tamen *figuras* negat. quanquam inter *Ciceronem* & *Fabium* magis de *vocabulo* pugna est, quam de *re*, alter enim *vocabulum* fundit, alter contrahit. *Idem.*

*Lantis coercitio, contentio, purgatio, læsio?* <sup>1</sup> Quid vero agit omnino eloquentia detractis amplificandi minuendi ratio-nibus? Quarum prior desiderat illam plusquam dixeris si-gnificationem, id est ἐμφασία & superlationem veritatis, & trajectio-nem: hæc altera extenuationem, deprecatio-neimque. <sup>2</sup> Qui affectus erunt vel concitati detracta voce libera, effrenatiore iracundia, objurgatione, optatione, execratione? vel illi mitiores, nisi adjuvantur commenda-tione, conciliatione, ad hilaritatem impulsione? Quæ de-lectatio, aut quod mediocriter saltem docti hominis indi-cium, nisi alia repetitione, alia commoratione infigere: digredi à re, & redire ad propositum suum scierit: remove-re à se, in aliud trajicere: quæ relinquenda, quæ contem-nenda sint, judicare? Motus est in his orationis atque actus: quibus detractis jacet, & velut agitante corpus spi-ritu caret. Quæ cum adesse debent, tum disponenda atque varianda sunt, ut auditorem, quod in fidibus fieri videmus, omni sono mulceant. Verum ea plerunque recta sunt, nec se fingunt, sed confitentur. Admittunt autem (ut dixi) fi-guras: quod vel ex proximo doceri potest. Quid enim tam commune, quam interrogare, vel percontari? Nam utro-que utimur indifferenter, cum alterum noscendi, alterum arguendi gratia videatur adhiberi. At ea res utrocumque modo dicatur, etiam multiplex habet schema. Incipiamus enim ab iis quibus acrior ac vehementior fit probatio, quod primo loco posuimus. <sup>3</sup> Simplex est sic rogare,

*Sed vos qui tandem? quibus aut venistis ab oris?*

Figuratum autem, quoties non sciscitandi gratia assumitur, sed instandi: *Quid enim tuus ille Tubero, districtus in acie*  
*Phar-*

<sup>1</sup> Quid vero agit.] Proprium est ora-toris amplificare & minuere, ut docuit Fabius lib. 3. at plurima Ciceronis lumi-na ad eas pertinent virtutes. Idem.

<sup>2</sup> Qui affectus.] Affectus sunt dupli-ces, μέλη & οὐθη. his conduceat ratio or-namentorum à Cicero positorum. Idem

<sup>3</sup> Simplex est sic rogare.] Græci, ut Alexander Numenius, duas interroga-tionis species ponunt, ἐρώτημα, id est interrogatum, & πυνθάνειν, id est, quæsitus. priori satisfieri potest una responsione, posteriori non nisi pluribus. Idem.

I Aut

*Pharsalica gladius agebat? & Quousque tandem abutere Catilina patientia nostra? & Patere tua consilia non sentis? & totus denique hic locus. Quanto enim magis ardet, quam si diceatur, Diu abuteris patientia nostra: & Patent tua consilia.* Interrogamus etiam quod negari non possit: *Dixitne tandem caussam C. Fidiculanus Falcula?* At ubi respondendi difficultis est ratio, ut vulgo uti solemus, *Quo modo? qui fieri potest?*<sup>1</sup> Aut invidiae gratia, ut Medea apud Senecam, *Quas peti terras jubes?* Aut miserationis, ut Sinon apud Virgilium,

*Heu qua me tellus, inquit, qua me aequora possunt  
Accipere?*

Aut instandi, & auferendæ dissimulationis: ut Asinius, *Audisne? furiosum, inquam,<sup>2</sup> non inofficium testamentum reprehendimus.* Totum hoc plenum est varietatis: nam & indignationi convenit,

-- *Et quisquam numen Junonis adoret?*

Et admirationi,

-- *Quid non mortalia pectora cogis  
Auri sacra fames?* --

Est interim acrius imperandi genus,

*Non arma expedient, totaque ex urbe sequentur?*

Et ipsi nosmet rogamus: quale est illud Terentianum,

*Quid igitur faciam?*

Est aliqua etiam in respondendo figura, cum aliud interroganti, ad aliud, quia sic utilius sit, occurritur, tum augendi criminis gratia, ut testis in reum rogatus, an ab reo fustibus vapulasset, *Et innocens,* inquit.<sup>3</sup> Tum declinandi, quod est frequentissimum: *Quæro an occideris hominem, respon-*

*detur,*

<sup>1</sup> *Aut invidiae gratia.*] Erasmus quoque in Ecclesiaste, interrogationem ait esse maxime aptam affectibus exprimendis & augendis, ut miserationi, invidiae, iræ. Idem.

<sup>2</sup> *Non inofficium test.*] Inofficium testamentum est, quod minime factum est ex officio pietatis: ut cum à patre

prætermitti sunt liberi. at *furiosum est testamentum*, quod est à furioso factum, qui testari non potest. *Idem.*

<sup>3</sup> *Tum declinandi.*] Hanc speciem appellat Alexander Num. *αντεισεγωγή,* quando adversus id quod opponitur, aliud objicimus ad defensionem. *Idem.*

detur, *Latronem*. An fundum occupaveris, respondetur, *meum*. Ut confessionem præcedat defensio: ut apud Virgilium in *Bucolicis* dicenti,

*Non ego te vidi Damonis, pessime, caprum*

*Excipere insidius? ---*

occurritur,

*An mihi cantando victus non redderet ille?*

Cui est confinis dissimulatio, non alibi quam in risu posita, ideoque tractata suo loco. Nam serio si fiat, pro confessione est.<sup>1</sup> Cæterum & interrogandi seipsum, & respondendi sibi, solent esse non ingratæ vices: ut Cicero pro Ligario, *Apud quem igitur hoc dico? nempe apud eum, qui cum hoc sciret, tamen me antequam vidit, reipublicæ redditum.* Aliter pro Cœlio facta interrogatio est. dicet aliquis, *Hoc igitur est tua disciplina? sic tu instituis adolescentes? & totus locus.* Deinde, *Ego si quis judices, hoc robore animi, atque hac indole virtutis ac continentiae fuit, &c.*<sup>2</sup> Cui diversum est, cum alium rogaveris, non expectare, responsum, & statim subjicere: *Domus tibi deerat? at habebas pecunia superabit? at egebas.* Quod schema quidam per<sup>3</sup> subjectionem vocant. Fit & comparatione: *Uter igitur facilius sua sententia rationem redderet?* Et aliis modis tum brevius, tum latius, tum de una re, tum de pluribus.<sup>4</sup> Mire vero in cauſis valet præsumptio, quæ ~~ωγληψις~~ dicitur, cum id quod objici potest, occupamus. Id neque in aliis partibus parum est, & præcipue procœmio convenit. Sed quanquam generis unius, diversas tamen species habet.

Est

<sup>1</sup> *Cæterum & inter.*] Cum nos interrogamus, & statim dicti cujusque rationem subjicimus, *ratiocinatio* vocatur à Cornificio, à Rufiniano vero *apophysis*, quæ quidem est species hujus interrogations. *Idem.*

<sup>2</sup> *Cui diversum est.*] Hanc interrogacionem appellant *Gratiæ θέσθαι φοράς*, unde *Laii* verterunt per subjectionem, ut *Cornificius lib. 4*. *Quod enim potest ab adversario dici, objicimus per in-*

terrogationem, & solvimus. *Idem.*

<sup>3</sup> *Subjectionem.*] Alii, *Suggestionem.*

<sup>4</sup> *Mire vero, &c.*] Hanc figuram vocat Alexander Numenius *procatalepsin*, ac nonnulli quoque ex Latinis. habet locum in *procœmis*: nam efficit exordium ex hypolepsi, ut ait Hertnogenes. in aliis quoque partibus multum prodest, ac videtur (ut inquit Rodolphus) efficere *novum exordium*. Turneb.

I EN

<sup>1</sup> Est enim quædam præmunitio, qualis Ciceronis contra Q. Cæciliū, quod ad accusandum descendant, qui semper defenderit. Quædam confessio: ut pro Rabirio Posthumo, quem sua quoque sententia reprehendendum fatetur, quod pecuniam regi crediderit. Quædam prædictio: ut, Dicam enim non augendi criminis gratia. Quædam emendatio: ut, Rogo ignoscatis mihi, si longius sum evictus. Frequentissima præparatio, cum pluribus verbis, vel quare facturi quid simus, vel quare fecerimus, dici solet. Verborum quoque vis ac proprietas confirmatur vel præsumptione: *Quanquam illa non pœna, sed prohibitio sceleris fuit.* Aut reprehensione: *Cives, cives, inquam, si hoc eos appellari nomine fas est.* <sup>2</sup> Affert aliquam fidem veritatis & dubitatio, cum simulamus querere nos unde incipiendum, ubi definendum, quid potissimum dicendum, an omnino dicendum sit: cuiusmodi exemplis plena sunt omnia: sed unum interim sufficit, *Evidem quod ad me attinet, quo me ver tam nescio.* Negem fuisse infamiam judicii corrupti? &c. Hoc etiam in præteritum valet: nam & dubitasse nos fingimus. <sup>3</sup> A quo schemate non procul abest illa quæ dicitur *communicatio*, cum aut ipsos adversarios consulimus, ut Domitius Afer pro Cloantilla, *At illa nescit trepida quid liceat fœminæ, quid conjugem deceat: forte vos in illa sollicitudine obvios casus misera mulieri obtulit: tu frater, vos paterni amici: quod consilium datis?* Aut cum judicibus quasi deliberamus, quod est frequentissimum, *Quid suadetis? &, Vos interrogo, quid tandem fieri oportuit?* ut Cato: *Cedo, si vos in eo loco essetis, quid aliud fecissetis?* Et alibi, *Communem rem agi putatote, ac vos huic rei præpositos esse.* <sup>4</sup> Sed nonnunquam communicantes aliquid

<sup>1</sup> *Et enim quedam.*] Rufinianus hanc appellat *procatæcēn*, quando præparatione aliqua præmunitus locum duriorum, ut irrepamus in animos auditorum. *Idem.*

<sup>2</sup> *Affert aliquam fidem.*] *Dubitatio* non solum valet ad *veritatem*, ut inquit Erasm. sed etiam ad *affectum*. figura est cum habet quandam simulationem: ea

dicitur à quibusdam *λογισμοῖς* & *ἀριθμοῖς*. *Idem.*

<sup>3</sup> *A quo schemate.*] *Communicatio* *ἐπειγλωττίς* appellatur à Rufiniano. Valet autem imprimis ad probandum, quoniam ita causa confidimus ut non dubitemus vel ab adversario vel à *judicibus* petere consilium. *Idem.*

<sup>4</sup> *Sed nonnunquam, &c.*] Hanc figu

ram  
SS 5

aliquid inexpectatum subjungimus, quod & per se schema est: ut in Verrem Cicero, *Quid deinde? quid censetis? furum fortasse, aut prædam aliquam?* Deinde cum diu suspen-  
disset judicum animos, subjecit quod multo esset impro-  
bius. Hoc Celsus *sustentationem* vocat. Est autem du-  
plex: nam contra frequenter cum expectationem gravissi-  
morum fecimus, ad aliquid quod sit leve, aut nullo modo  
criminosum, descendimus. Sed quia non tantum per com-  
municationem fieri solet,  $\pi\alpha\pi\alpha\zeta\sigma\tau$  alii nominaverunt, id est  
*inopinatum*: Illis non accedo, qui schema esse existimant,  
etiam siquid nobis ipsis dicamus inexpectatum accidisse: ut  
Pollio, *Nunquam fore credidi, judices, ut reo Scauro, ne quid  
in ejus judicio gratia valeret precarer.* <sup>2</sup> Pene idem fons est il-  
lius quam *permissionem* vocant, qui communicationis: cum  
aliqua ipsis judicibus relinquimus aestimanda, aliqua non-  
nunquam adversariis quoque: ut Calvus Vatinio: *Perfrica  
frontem, & dic te digniorem qui prætor fieres, quam Catonem.*  
<sup>3</sup> Quæ vero sunt augendis affectibus accommodatæ figuræ,  
constant maxime *simulatione*. Namque & irasci nos, & gau-  
dere, & timere, & admirari, & dolere, & indignari, &  
optare, quæque sunt similia his, fingimus. Inde sunt illa,  
*Liberatus sum. Respiravi. &, Bene habet. &, Quæ amentia est  
hæc? &, O tempora, ô mores. O miserum me. consumptis  
enim lacrymis infixus tamen pectori hæret dolor. &,*

-- *Magnæ nunc hiscite terra.*

<sup>4</sup> Quod *exclamationem* quidam vocant, ponuntque inter fi-  
guras

ram appellat *Rufinianus τερπυγιλίων*, alii,  
 $\pi\alpha\pi\alpha\zeta\sigma\tau$  appellant &  $\alpha\pi\pi\zeta\sigma\delta\omega\eta\zeta\sigma\tau$ .  
id est, *inopinatum* & *inexpectatum*, quan-  
do quadam dicimus, deinde aliud præ-  
ter opinionem inferimus. *Idem.*

<sup>1</sup> *Sustentationem.*] Quasi verteret di-  
ctionem græcam *ἐποχήων*, attamen *sus-  
tentatio* plerunque fit sine communica-  
tione. *Idem.*

<sup>2</sup> *Pene idem fons est.*] *Rutilius* hanc  
figuram appellat *epitopen*, sed suspicor

mendosum esse codicem, legendumque  
epitopen: sic enim vocatur à *Rufiniano*.  
sit autem plerunque per quandam *simu-  
lationem* & *ironiam*. *Idem.*

<sup>3</sup> *Quæ vero sunt.*] Persequitur mem-  
bra divisionis superioris. nam haec tenus  
dixit de figuris quæ ad docendum valent,  
nunc de illis quæ ad mouendum, ut ora-  
toris officiis accommodet figuræ. *Idem.*

<sup>4</sup> *Quod exclamationem.*] Appellant  
Græci *κακόντων*, Latini *exclamationem*.  
valer

guras orationis. Hæc quoties vera sunt, non sunt in ea forma de qua nunc loquimur. Assimulata, & arte composita, procul dubio *schemata* sunt existimanda. <sup>1</sup> Quod idem dictum sit de oratione libera, quam <sup>2</sup> Cornificius *licentiam* vocat, Græci παρόντος. Quid enim minus figuratum, quam vera libertas? Sed frequenter sub hac facie latet adulatio. Nam Cicero cum dicit pro Ligario, *Suscepto bello, Cæsar, gesto jam etiam ex parte magna, nulla vi coactus, consilio ac voluntate mea ad ea arma profectus sum, quæ erant contra te sumpta:* non solum ad utilitatem Ligarii respicit, sed magis laudare victoris clementiam non potest. In illa vero sententia, *Quid autem aliud egimus Tubero, nisi ut quod hic potest, nos possemus?* admirabiliter utriusque partis facit bonam caussam: sed hoc eum demeretur, cuius mala fuerat. <sup>3</sup> Illa adhuc audacia, & majorum (ut Cicero existimat) laterum, fictiones personarum, quæ περιπονητικαὶ dicuntur. Mire namque cum variant orationem, tum excitant. His & adversariorum, cogitationes velut, secum loquentium protrahimus: quæ tamen ita demum à fide non abhorrent, si ea locutos finxerimus, quæ cogitasse eos non sit absurdum: & nostros cum aliis sermones, & aliorum inter se credibiliter introducimus: & *suadendo, objurgando, querendo, laudando, miserando*, personas idoneas damus. Quin deducere deos in hoc genere dicendi, & inferos excitare, concessum est. Urbes etiam populique vocem accipiunt. Ac sunt quidam qui has demum περιπονητικαὶ dicant, in quibus & corpora & verba fingimus. Sermones hominum assimulatos dicere

21. λόγισ

valet autem potissimum ad duos affectus, *indignationem & miserationem*. Idem. *Quod exclamationem quidam vocant, &c.*] Vide Vossium Institut. Orator. lib. 5. pag. 416.

<sup>1</sup> *Quod idem dictum sit de oratione libera, &c.*] Male negat παρόντος inter schemata referri debere. Vide Vossium Institut. Orator. lib. 5. p. 414.

<sup>2</sup> *Cornificius licentiam.*] Vel ex hoc

loco colligere possimus rhetorican ad Herennium esse Cornificii, non Ciceronis. Cic. enim παρόντος semper vertit orationem liberam, & vocem liberam, in perfecto oratore & ad Q. Fratrem. Cornificius lib. 4. *licentiam*. Turneb.

<sup>3</sup> *Illa adhuc.*] Protopopœiam vertit Rutilius, personæ effictionem: Rufinianus vero deformationem & configurationem: Cornificius l. 4. *conformatiōnēm*. Idem.

1. *Quam,*

*Διλογίου* malunt, <sup>1</sup> quam, quod Latinorum quidam dixerunt, *sermocinationem*. Ego jam recepto more utrumque eodem modo, appellavi. Nam certe sermo fingi non potest, ut non personæ sermo fingatur. Sed in his quæ natura non permittit, hoc modo mollior fit figura: *Etenim si mecum patria, quæ mihi vita mea multo est carior, si cuncta Italia, si omnis res publica sic loquatur, M. Tulli quid agis?* Illud audacius genus, *Quæ tecum Catilina sic agit, & quodammodo tacita loquitur, Nullum jam aliquot annis facinus exitit, nisi per te.* <sup>2</sup> Commodo etiam aut nobis aliquas ante oculos esse rerum personarumve imagines fingimus, aut eadem adversariis aut judicibus non accidere miramur: qualia sunt, *Videtur mihi, &c., Nonne videtur tibi?* Sed magna quædam vis eloquentiæ desideratur. Falsa enim & incredibilia natura necesse est aut magis moveant, quia supra vera sunt: aut pro vanis accipiuntur, quia vera non sunt. Ut dicta autem quædam, ita scripta quoque fingi solent: <sup>3</sup> quod facit Asinius pro Liburnia, *Mater mea, quæ mihi tum charissima, tum dulcissima fuit, quæque mihi vixit, bisque eadem die mihi vitam dedit, & reliqua: deinde, exhaeres esto.* Hæc cum per se figura est, tum duplicatur, quoties, sicut in hac caussa, ad imitationem alterius scripturæ componitur. Nam contra recitatatur testamentum, *P. Novanius Gallio, qui ego omnia meritissimo volo & debeo pro ejus animi in me summa voluntate, & adjectis deinceps aliis, hæres esto.* <sup>4</sup> Incipit esse quodammodo παρῳδία, quod nomen

<sup>1</sup> *Quam, quod Latinorum quidam, &c.*] Corfinieus tamen lib. 4. dialogum interpretatus est *sermocinationem*, quando quosdam verisimiliter loquentes inducimus. appellant alii *Διλογίους*. *Idem.*

<sup>2</sup> *Commodo etiam.*] Est etiam alia species *prosopopœiæ*, qua quadam simulatione imaginem quandam fingit: ut si diceres, videor mihi videre hominem in reg. tumultuantem ac vociferantem, & reliqua subderes. *Idem.*

<sup>3</sup> *Quod facit Asinius.*] In hac scri-

ptura est imitatio illius formulæ quæ scribi solet in *testamentis*, nam qui *hæres* instituitur, à testatore fere laudatur. adde quod *imitatio est* *scriptorum adversarii*, quæ recitaverat in *testamento*. *Idem.*

<sup>4</sup> *Incipit esse.*] Suidas παρῳδίαν appellat, cum ē *Tragœdia* sermo transferatur in *Comœdiā*: quo pacto *Aristophanes* pleraque carmina Euripidis ludendo usurpavit. Eodem quoque modo sermo factus ad alterius sermonis imitationem, dicitur *parodia*: vis tamen pendet

nomen ductum à canticis ad aliorum similitudinem modulatis, abusive etiam in versificatione ac sermonum imitatione servatur. Sed <sup>1</sup> formas quoque fingimus s<sup>e</sup>pe : ut *famam* Virgilius : ut *voluptatem ac virtutem* (quemadmodum à <sup>2</sup> Xenophonte traditur) Prodicus, ut mortem ac vitam, quas contendentes in Satyra tradit Ennius. Est & incertæ personæ ficta oratio. *Hic quis.* &, *Dicat quis.* Est & justus sine persona sermo, <sup>3</sup> *Hic Dolopum manus, hic servus tendebat Achilles.* Quod sit mistura figurarum, cum ~~αρχωντος~~ accedit illa quæ est orationis per detractionem: detractum est enim quis diceret. <sup>4</sup> Vertitur enim interim ~~αρχωντος~~ in speciem narrandi. Unde & apud historicos reperiuntur obliquæ allocutiones: ut in T. Livii primo statim libro, *Urbes quoque, ut cetera, ex insimo nasci: deinde quas sua virtus ac dii juvent, magnas opes sibi, magnumque nomen facere.* <sup>5</sup> Aversus quoque à judice sermo, qui dicitur ~~δικαιοφονία~~, mire movet, sive adversarios invadiimus, *Quid enim tuus ille Tubero in acie Pharsalica gladius agebat?* Sive ad invocationem aliquam convertimur, *Vos enim jam ego Albani tumuli atque luci.* Sive ad invidiosam implorationem, <sup>7</sup> *O leges Porciæ, legesque Semproniacæ.* Sed illa quoque vocatur *aversio*, quæ pendet à canticis quæ siebant ad aliorum similitudinem. *Idem.*

<sup>1</sup> *Formas quoque fingimus.*] Fingere formas appellat Fab. quum rebus inanimatis tribuimus quasi quoddam corpus, ut animalia quadam efficeremus. *Idem.*

<sup>2</sup> *Xenophonte.*] Xenophon refert Prodigum finissime *voluptatem ac virtutem* cum Hercule colloquatas in solitudine, quarum altera ad fortitudinem invitaret, altera ad inertiam. *Idem.*

<sup>3</sup> *Hic Dolopum manus.*] Hoc versu Virgil. est imitatus sermonem *Trojanorum, Gracorum castra aspicientium*. neque tamen sermonem hunc attribuit ulli personæ. *Idem.*

<sup>4</sup> *Vertitur interim.*] Obliquæ allocutiones peculiares sunt historicis: itaque

*Trogus* apud *Justinum, Livium & Sallustium* reprehendit, quod illis ratiū utantur. sunt autem cum narrationem continuat *historicus*, ita tamē ut videatur obiter inducere personam loquentem, cuius orationem imitatur. *Idem.*

<sup>5</sup> *Oblique allocutiones.*] Justin. I. 2. 8. Pompeius Trogus in Livio & Sallustio reprehendit quod conciones directas pro sua oratione, pro obliquis operi suo inferenda historia modum excesserint. *Pish.*

<sup>6</sup> *Aversus à judice sermo, qui dicitur δικαιοφονία.*] Imperfecte Apostrophæ definit. Vide Vossium Instit. Orator. lib. 5. pag. 363.

<sup>7</sup> *O leges.*] Pro Sestio, & A&. in Verrem 7.

<sup>1</sup> *Quale*

à proposita quæstione abducit audientem :

*Non ego cum Danais Trojanam excindere gentem*

*Aulide juravi. ---*

Quod fit & multis & variis figuris, cum aut aliud expectasse nos, aut majus aliquid timuisse simulamus, aut plus videri posse ignorantibus : <sup>1</sup> quale est procēdium pro Cœlio. Illa vero (ut ait Cicero) sub oculos subjectio, tum fieri solet, cum res non gesta indicatur, sed ut sit gesta ostenditur : nec universa, sed per partes : quem locum proximo libro subjecimus evidentiæ : & Celsus hoc nomen isti figuræ dedit. ab aliis <sup>2</sup> *metastasis* dicitur proposita quædam forma rerum ita expressa verbis, ut cerni potius videatur, quam audiri: *Ipse inflammatus scelere ac furore, in forum venit. ardebat oculi: toto ex ore crudelitas emicabat.* Nec solum quæ facta sint aut fiant, sed etiam quæ futura sint, aut futura fuerint, imaginamur. Mire tractat hæc Cicero pro Milone, quæ facturus fuerat Clodius si præturam invasisset. <sup>3</sup> Sed hæc quidem translatio temporum, quæ propriæ <sup>4</sup> *metastasis* dicitur, in *agmina* verecundior apud priores fuit. Proponebant enim talia, *Credite vos intueri*, ut Cicero, *Hæc quæ non vidistis oculis, animis cernere potestis.* Novi vero, & præcipue declamatores, audacius, nec mehercule sine motu quodam imaginantur : <sup>4</sup> ut Seneca in controversia, cuius summa est quod pater filium & novicam, inducente altero filio, in adulterio deprehensos occidit. *Duc, sequor: accipe hanc senilem manum, & quocunque vis imprime.* Et paulo post, *Aspice, inquit, quod diu non credidisti. Ego vero non video, nox oboritur, & crassa caligo.* Habet

<sup>1</sup> *Quale est procēdium pro Cœlio.*] Finxit enim initio crimen esse grave, cum judicium fiat iudicis publicis : deinde paulatim extenuat, ostenditque judicium pendere ab adulterio *Clodiæ*. ita à magnitudine sceleris avocat animos judicium. *Turneb.*

<sup>2</sup> *Metastasis.*] Ab *Alexandro Numenio & Aquila Romano* *metastasis.* Latine vertitur à quibusdam deformatio-

& descriptio. Idem.

<sup>3</sup> *Sed hæc quidem, &c.*] *Alexander Numenius* aliter accipit *metastasis*, quando scilicet à nobis alio rem transferimus. Quidam alias ex Latinis appellat *metastasis*, quum mutatur oratio à persona loquenter ad aliam personam. *Fab.* *metastasis* appellat *translationem temporum ad imaginem futuri.* Idem.

<sup>4</sup> *Ut Seneca.*] *Hæc declam. non extat.*

*I Topo.*

hæc figura manifestius aliquid. Non enim narrari res, sed agi videtur. Locorum quoque dilucida & significans descrip<sup>tio</sup>, eidem virtuti assignatur à quibusdam: alii <sup>τοπογραφιαν</sup> dicunt. *Eip̄ovētā* inveni qui *dissimulationem* vocarent: quo nomine, quia parum totius hujus figuræ videntur vires ostendi, nimirum sicut in plerisque, Græca erimus appellatione contenti. <sup>2</sup> Igitur *eip̄ovētā* quæ est *schema*, ab illa quæ est tropus, genere ipso nihil admodum distat: (in utroque enim *contrarium ei quod dicitur*, intelligendum est) species vero prudenter intuenti, diversas esse facile est deprehendere. Primum, quod tropus apertior est: & quanquam aliud dicit ac sentit, non tamen aliud simulat. Nam & onnia circa fere recta sunt: ut illud in Catilinam, *A quo repudiatus, ad sodalem tuum virum optimum M. Marcellum demigrasti.* In duabus demum verbis est ironia, ergo etiam brevior est tropus. At in figura, totius voluntatis fictio est, apparens magis quam confessa: ut illic verba sint verbis diversa, hic sermonis sensus voci: & tota interim caussæ confirmatio, tum etiam vita universa, ironiam habere videntur, qualis est visa Socratis. Nam ideo dictus *eip̄ovētā*, id est agens imperium, & admirator aliorum tanquam sapientium: ut quemadmodum *απόφειαν* facit continua *μελέφορη*, sic hoc schema faciat troporum ille contextus. <sup>3</sup> Quædam vero genera hujus figuræ nullam cum tropis habent societatem: ut illa statim prima quæ dicitur à negando, quam nonnulli vocant *δισφασιν*, *Non agam tecum jure summo, non dicam, quod forſitan*

<sup>1</sup> *Topographiam.*] Servius libro primo Aeneidos *topothesiam* ponit & *topographiam*, appellatque *topographiam* descriptionem veri loci, *topothesiam* vero descriptionem loci non veri, sed ficti. *Idem.*

<sup>2</sup> *Igitur eip̄ovētā.*] Ironia cum tropus est, est in paucioribus verbis: cum autem figura est, in verborum multorum continuatione, atque adeo in tota sententia. *Idem.*

<sup>3</sup> *Quædam vero.*] Quam appellat Fab. *apoph̄sin*. id est, *negationem*, appellat Alexander Num. *paralepsin*, cum scilicet fingimus aliquid nos omittere quod tamen dicimus. alioqui apud Rufinianum *apoph̄sis* figura est qua interrogamus nos ipsos, statimque respondemus & rationem reddimus: aut cum ab aliis interrogati idem facimus. et enim *apoph̄si* significat *reſponſionem* & *ſententiam* apud Græcos. *Idem.*

tan obtinerem. &, Quid ego istius decreta, quid rapinas, quid hæreditatum possessiones datas, quid ereptas proferam? &, Mitto illam primam libidinis injuriam. &, Ne illa quidem testimonia recito, quæ dicta sunt de seftertiis<sup>1</sup> septingentis millibus. &, Possum dicere. Quibus generibus per totas interim quæstiones decurrimus. ut Cicero, Hoc ego si sic agerem tanquam milii crimen esset diluendum, haec pluribus dicerem.<sup>2</sup> Eipæveæ est & cum similes imperantibus vel mittentibus sumus,

I sequere Italiam ventis.

<sup>3</sup> Et cum ea quæ nolumus videri adversariis esse, concedimus eis. Id acrius fit cum eadem in nobis sunt, & in adversario non sunt:

--- Meque timoris

Argue tu Drance, quando tot cædis acervos  
Teucrorum tua dextra dedit.

Quod idem contra valet, cum aut ea quæ à nobis absunt, aut etiam quæ in adversarios recidunt, quasi fateamur.

<sup>4</sup> Me duce Dardanius Spartam expugnavit adulter.

Nec in personis tantum, sed & in rebus versatur hæc contraria dicendi quam quæ intelligi velis ratio,<sup>5</sup> ut totum pro Quint. Ligario proœmium,<sup>6</sup> & illæ elevationes, Videlicet, O diu boni.

Scilicet is superis labor est.

Et ille pro Oppio locus, O amorem mirum! O benevolentiam singularem! Non procul autem absunt ab hac simulatione tres inter se similes, Confessio nihil nocitura: qualis est, Ha-

bes

<sup>1</sup> Septingentis.] Sexcentis. Pith.

<sup>2</sup> Eipæveæ est & cum, &c.] Ironie species est epitrope, quum figurate aliquid concedimus, quod tamen factum nolumus. ea appellari potest permisso. Turneb.

<sup>3</sup> Et cum ea.] Appellatur hæc species chleuasmos. id est, subsannatio, cum personam aliquam vastra & amarulenta irrisione illudimus. Idem.

<sup>4</sup> Me duce Dard.] Verba sunt Junonis adversus Venerem. Venus autem exci-

tarat Paridem ad Helenam rapiendam: ergo hæc verba recidunt in caput Veneris. Idem.

<sup>5</sup> Ut totum pro Q. Ligario, &c.] Fabius hujus ironie divina meminit lib. 4. quanquam Georgius Trapezuntius ironiam esse negat, & hac in re Fabium reprehendit. sed ipse fallitur. Idem.

<sup>6</sup> Et illæ elevationes.] Hæc figura appellatur diaœteipnüs, quæ habet elevationem personarum & rerum cum irrisione. Idem.

I Et

bes igitur Tubero quod est accusatori maxime optandum, confitentem reum.<sup>1</sup> Et concessio, cum aliquid etiam iniquum vide-  
muri caussæ fiducia pati: Metum virgarum navarchus nobilissimæ  
civitatis pretio redemit: humanum est. Et pro Cluentio de in-  
vidia, Dominetur in concionibus, jaceat in judiciis. Tertia<sup>2</sup> con-  
fessio: ut pro eodem, judicium esse corruptum. Hæc eviden-  
tior figura est, cum alicui rei assentimur quæ est futura pro  
nobis: verum id accidere sine adversarii vitio non potest.  
Quædam etiam velut laudamus, ut Cicero in Verrem circa  
crimen<sup>3</sup> Apollonii Drepanitani, *Gaudeo etiam si quid ab eo  
abstulisti: & abs te nihil rectius factum esse dico.* Interim auge-  
mus crimina quæ ex facili aut diluere possumus, aut negare,  
quod est frequentius, quam ut exemplum desideret.<sup>4</sup> In-  
terim hoc ipso fidem detrahimus illis, quod sint tam gra-  
via: ut pro Roscio Cicero, cum immanitatem parricidii,  
quanquam per se manifestam, tamen etiam vi orationis ex-  
aggerat.<sup>5</sup> Αποστάπησις, quam idem Cicero reticentiam, Celsus  
obtinentiam, nonnulli interruptionem appellant, & ipsa osten-  
dit affectus vel iræ, ut,

*Quos ego: sed motos præstat componere fluctus.*

Vel solitudinis, & quasi religionis: *An hujus ille legis, quam  
Clodius à se inventam gloriatur, mentionem facere ausus esset vivo  
Milone, ne dicam consule? de nostrum enim omnium: non audeo  
totum dicere.* Cui simile est in procœlio pro Ctesiphonte  
Demosthenis. Vel alio transeundi gratia: *Communis autem,*

*Tametsi,*

<sup>1</sup> *Et concessio, &c.]* Hunc locum sic interpretatur Erasmus in Ecclesiaste: concessio est utilis, quæ nihil habet in se detrimenti, præterea cum aliquid concedimus alio sensu quam objicitur. *Idem.*

<sup>2</sup> *Confessio.]* Hanc appellat permissionem Cornificius lib. 4. est autem admodum vicina confessioni & confessio. *Idem.* *Confessio.]* Alii, *Confessio.*

<sup>3</sup> *Apollonii Drepanitani.]* Sic appellabatur à Drepano oppido Siciliae, qui locus nomen habet à falso Saturni quo in ea loca decidit. *Tarneb.*

<sup>4</sup> *Interim hoc ipso.]* Quanquam regulæ est amplificationis, ne augeamus ante probationem, defensor tamen nonnunquam ex magnitudine sceleris objecti per amplificationem detrahit fidem statim initio: quemadmodum Cicero fecit augendo parricidium, ut ostenderet non esse perpetratum à Roscio. *Idem.*

<sup>5</sup> *Αποστάπησις.]* Hæc figura est finitima eclipsi: hoc tamen differt, quod ad affectum fere adhibetur, & plura sub-  
tinet. eam videtur appellasse præcisionem Cornificius. *Idem.*

*Tametsi, ignoscite mibi, judices.* <sup>1</sup> In quo est & illa (si tamen inter schemata numerari debet, cum aliis etiam pars caussæ videatur) digressio: Abit enim caussa in laudes Cn. Pompeii. Id quod fieri etiam sine ~~διπονωνος~~ potuit. Nam brevior illa, ut ait Cicero, à re digressio, plurimis fit modis. Sed hæc exempli gratia sufficient. <sup>2</sup> *Tum Caius Varenus, is qui à familia Anchariana occisus est: hoc quæso, judices, diligenter attendite.* Et pro Milone, *Et aspexit me illis quidem oculis quibus tum solebat, cum omnibus omnia minabatur.* <sup>3</sup> Est alia non quidem reticentia, quæ sit imperfecti sermonis, sed tamen præcisa velut ante legitimum finem oratio: ut illud, *Nimis urgeo, cominoveri videtur adolescens.* &, *Quid plura? ipsum adolescentem dicere audistis.* <sup>4</sup> Imitatio morum alienorum, quæ ~~θεωρία~~, vel ut alii malunt, ~~μηνοντος~~ dicitur, jam <sup>5</sup> inter leviores affectus numerari potest. Est enim posita fere in eludente: sed versatur & in *factis*, & in *dictis*. In *factis*, quod est ~~τρωνωνος~~ vicinum. In *dictis*, quale est apud Terentium,

*6 At ego nesciebam quorsum tu ires. Parvula*

*Hinc est abrepta, eduxit mater pro sua,*

*Soror dicta est: cupio abducere ut reddam suis.*

Sed nostrorum quoque dictorum factorumque similis imitatio est per relationem, nisi quod frequentius asseverat quam cludit:

<sup>1</sup> *In quo est & illa.*] Est interdum quoque *digressio* pertinens ad *apostoposin*, ut in oratione pro Cornelio Balbo de commendatione Pompeii, fit autem dupliciter *digressio* circa *apostoposin*: fit enim interdum prolixius, interdum brevius, ut docet Cic. in *Oratore*. Idem.

<sup>2</sup> *Tum Caius Varenus à fam. Anchariana.*] Vide Turneb. lib. 17. Advers. c. 24.

<sup>3</sup> *Est alia non quidem, &c.*] Hanc nonnulli proprio nomine appellant *precisionem*, quando absindimus sermonem. Turneb.

<sup>4</sup> *Imitatio morum alienorum.*] Alexander Numenius ac nonnulli auctores Latini aliter accipiunt *ethopxiā*, quam etiam Rutilius appellat *ethologiam*, nimirum cum inducimus personam ali-

quam loquentem, cuius mores & sermones verisimiliter exprimimus. sed hanc speciem subjicit Fab. *prosopopoeia*. Appellat autem hic *ethopxiā*, imitationem morum *tum in dictis tum in factis*, ut tamen non inducatur persona loquens. Idem.

<sup>5</sup> *Inter leniores affectus.*] Nam leniores affectus appellantur *θη*, quique affectus sunt *naturales*: quemadmodum *accidentales* & *majores* sunt illi affectus qui dicuntur *πεθη*. Idem.

*6 At ego nesciebam.*] Verba sunt *Phaedriæ*, repetentis ea quæ dicta sunt à Thaide: atque ita verba ejus imitatur. Idem. *At ego nesciebam.*] In Eunuch. Act. I. sc. 2.

<sup>1</sup> *Hinc*

eludit: *Dicebam habere eos actorem Quin. Cæciliū.* Sunt & illa jucunda, & ad commendationem cum varietate, tum etiam ipsa natura plurimum prosunt, quæ simplicem quandam, & non præparatam ostendendo orationem, minus nos suspeçtos judici faciunt.<sup>1</sup> Hinc est quasi pœnitentia dicti: ut pro Cœlio: *Sed quid ego ita gravem personam introduxi?* Et quibus utimur vulgo, *Imprudens incidi.* Vel cum quererere nos quid dicamus fingimus. *Quid reliquum est?* &, *Num quid omisi?* Et cum ibidem in Verrem ait Cicero, *Unum etiam mihi reliquum hujusmodi crimen est.* &, *Aliud ex alio succurrit mihi.*<sup>2</sup> Unde etiam venusti transitus fiunt: non quia transitus ipse sit schéma: ut Cicero narrato Pisonis exemplo, qui annulum sibi cudi ab aurifice in tribunalí suo jussérat, velut hoc in memoriam adductus, adjecit; Hic modo me commonuit Pisonis annulus, quod totum effluxerat,<sup>3</sup> quam multis istum putatis hominibus honestis de digitis annulos aureos abstulisse? Et cum aliqua velut ignoramus, Sed earum rerum artificem, quem? quemnam? recte admones, Polycletum esse dicebant. Quod quidem non in hoc tantum valet. Quibusdam enim dum aliud agere videmur, aliud efficimus: sicut hic Cicero consequitur,<sup>4</sup> ne cum morbum in signis atque tabulis objiciat Verri, ipse quoque earum rerum studiosus esse creditur.<sup>5</sup> Et Demosthenes jurando per imperfectos in Marathone & Salamine, id agit, ut minore invidia cladis apud Cheroneam acceptæ laboret.

## Faciunt

<sup>1</sup> *Hinc est quasi pœnit.*] Hanc figuram appellat Rutilius metanœam, quæ species est correctionis, qua nos reprehendimus. Turneb.

<sup>2</sup> *Unde etiam.*] *Transitus* per se (ut existimat Fab.) figura non est, nisi cum illi aliud schema additur, ut *correctio, dubitatio, pœnitentia.* Idem.

<sup>3</sup> *Quam multis istum,* &c.] Romani nobiles in digitis annulos gestabant. hinc sunt (ut inquit Plinius) trimodia illa annulorum quæ cæsis ad Cannas Romanis Carthaginem misit Annibal. Idem.

<sup>4</sup> *Ne cum morbum in signis,* &c.] Cic. ut significaret maximam cupiditatem Verris, non vocavit studium, non cupiditatem, sed morbum, ad amplificationem. Idem.

<sup>5</sup> *Et Demosthenes.*] Ad Cheroneam urbem Bœotiarum Philippus Macedonum rex superavit Athenienses: ex eo prælio Demosthenes abjecto clypeo profugit. Miltiades autem in Marathone campo Atticæ regionis superavit exercitum Darii regis Persarum. Themistocles in Salaminio fredo profugavit exercitum Xerxis. Idem.

Faciunt illa quoque jucundam orationem, aliqua mentione habita differre, & deponere apud memoriam judicis, & reposcere quæ deposueris, & separare quædam schemate aliquo: (<sup>1</sup> non enim est ipsa per se iteratio schema,) & excipere aliqua, & dare actioni varios velut vultus. Gaudent enim res varietate: & sicut oculi diversarum aspectu rerum magis detinentur; ita semper animis præstant in quod se velut novum intendant.

<sup>2</sup> Est emphasis etiam inter figuras, cum ex aliquo dicto latens aliquid eruitur: ut apud Virgilium,

*Non licuit thalami expertem sine criminе vitam*

*Degere more feræ?* -----

Quanquam enim de matrimonio queritur Dido, tamen hoc erupit ejus affectus, ut sine thalainis vitam non hominum putet, sed ferarum. <sup>3</sup> Aliud apud Ovidium genus apud quem & Myrrha nutrici amorem patris sic confitetur,

*O dixit, felicem conjugē matrem.*

<sup>4</sup> Huic vel confinis, vel eadem est, qua nunc utimur plurimum: Jam enim ad id genus, quod & frequentissimum est, & expectari maxime credo, veniendum est: in quo per quandam suspicionem, quod non dicimus, accipi volumus: <sup>5</sup> non utique contrarium, ut in *εἰπαρεῖσθαι*, sed aliud latens, & auditori quasi inveniendum: quod, ut supra ostendi, jam fere solum schema à nostris vocatur, & unde controversiæ figuratæ

<sup>1</sup> Non enim est ipsa, &c.] Videtur esse separatio, quædam sejunctio, cum res alias, quæ conjunctæ videntur, proponimus, deinde separamus: ita cum accedimus ad separationem, iteramus. huic finitima est paradiastole, quæ res finitimas soler distinguere. Idem.

<sup>2</sup> Est emphasis.] Figura hæc (ut inquit Erasmus in Eccl.) valet ad dignitatem orationis, ad acrimoniam & effectum. huic subiectit Fabius lib. 8. apostolos. nunc autem de altera tantum parte loquitur quæ plus intelligit quam dicit. Idem.

<sup>3</sup> Aliud apud Ovidium.] Myrrha, ut fabulantur poëtae, patrem Cypriorum regem amavit, cum coque rem habuit, ac

demum est mutata in arbusculam. Idem.

<sup>4</sup> Huic vel confinis.] Hic totus locus translatus est ex tractatione Dionysii Halicarnassei, qua agit de schematismis. id est, de figuratis controversiis. Angustius tamen tractat Fab. quam Dionysius. nam Dionysius ponit etiam figuratas controversias per contrarium. admittere videatur duntaxat Fabius eas quæ sunt ex obliquo & suspicione, aut interdum quæ sunt per colorem. Idem.

<sup>5</sup> Non utique contrarium.] Nam si figurata est controversia per contrarium, ironiae subjici debet, non emphasi. ait enim antea, in ironia interdum esse totam causæ confirmationem. Idem.

<sup>1</sup> Nam

figuratæ dicuntur. Ejus triplex usus est: Unus, si dicere palam parum tutum est. Alter, si non decet. Tertius, qui venustatis modo gratia adhibetur, & ipsa novitate ac varietate magis quam si relatio sit recta, delectat. Ex his quod est primum, frequens in scholis est. Nam & actiones deponentium imperium tyrannorum, & post civile bellum senatus consulta finguntur, & capitale est objicere anteacta: ut quod in foro non expedit, illic nec liceat. Sed schematum conditio non eadem est. Quamlibet enim apertum, quod modo & aliter intelligi possit, in illos tyrannos bene dixeris, quia periculum tantum, non etiam offensa vitatur. Quod si ambiguitate sententiæ possit eludi, nemo non illi furto favet. Vera negotia nunquam adhuc habuerunt hanc silentii necessitatem, sed aliam huic similem: verum multo ad agendum difficiliorem, cum personæ potentes obstant, sine quarum reprehensione teneri caussa non possit. <sup>2</sup> Ideoque hoc parcus & circumspectius faciendum: quia nihil interest quomodo offendas: & aperta figura perdit hoc ipsum, quod figura est. <sup>3</sup> Ideoque à quibusdam tota res repudiatur, sive intelligatur, sive non. Sed licet modum adhibere: In primis, ne sint manifestæ. Non erunt autem, si non ex verbis dubiis & quasi duplicibus petentur: qualis est in suspecta nuru, <sup>4</sup> *Duxi uxorem, quæ patri placuit.* Aut, quod est multo ineptius, compositionibus ambiguis: ut illa controversia, in qua infamis amore virginis filiæ pater raptam eam interrogat à quo vitiata sit, *Quis te, inquit, rapuit?*

<sup>1</sup> *Nam & actiones.*] Thema est declaratorium in hanc sententiam, quod tyrannus imperium deponat, addita stipulatione ut *anteacta* objicere sit capitale. quæ est lex *Amnestie.* Idem.

<sup>2</sup> *Ideoque hoc parcus.*] Quia in hac conditione potes aperte personas offendere, non videtur *figura opus*, cum offendere possis citra *figuram*: alioqui si *figura* uti velis, parce id faciendum est. si enim continuando *figura* aptior fieret,

*figuræ nomen amitteret.* Idem.

<sup>3</sup> *Ideoque à quibusdam.*] Si *figura* (ait Dionysius) intelligitur, non est melior simplici oratione: si non intelligitur, perditur. Sed hoc demum refutat Dionysius. Idem.

<sup>4</sup> *Duxi uxorem.*] *Dicit uxori mari-*  
*tus, dicit etiam meretricem leno ad scot-*  
*totarem: unde perductor appellatur. Præ-*  
*terea duxerat *uxorem* vel ex voluntate*  
*pattis, vel quam pater amabat.* Idem.

*rapuit? <sup>1</sup> Tu pater nescis?* <sup>2</sup> Res ipsæ perducant judicem ad suspicionem, & amoliamur cætera, ut hoc solum supersit, in quo multum etiam affectus juvant, & interrupta silentio dictio, & cunctationes. Sic enim fiet, ut judex quærat illud nescio quid, quod ipse fortasse non crederet si audiret: & ei quod à se inventum existimat, credet. Sed ne si optimæ quidem sint, esse debent frequentes. Nam densitate ipsa figuræ aperiuntur, nec offensæ minus habent, sed auctoritatis. <sup>3</sup> Nec pudor videtur quod non palam objicias, sed diffidentia. In summa, sic maxime judex credit figuris, si nos putat nolle dicere. Evidet quandoque & in personas incidi tales, & in rem quoque (quod est magis rarum) quæ obtineri nisi hac arte non posset. <sup>4</sup> Ream tuebar, quæ subjecisse dicebatur marito testamentum, & dicebatur chirographum marito exprimante hæredibus deditum, & verum erat. Nam quia per leges institui uxor non poterat hæres, id fuerat actum, ut ad eam bona <sup>5</sup> per hoc tacitum fideicommissum pervenirent. Et caput quidem veri facile erat si hoc diceremus palam: sed peribat hæreditas. Ita ergo fuit nobis agendum, ut judices illud intelligerent factum, delatores non possent apprehendere ut dictum: & contigit utrumque. Quod non inferuissem, veritus opinionem jactantem,

<sup>1</sup> *Tu pater nescis?*] Vel quasi raptorem filiæ sua pater non debeat ignorare, vel quasi etiam ipse rapuerit & vitiaverit.  
*Idem.*

<sup>2</sup> *Res ipse perducant.*] Cum per figuram dicemus *suspiciose*, ita *oblique* rem persequamur, ut ipso orationis ductu sensim ad rei intellectum perveniat judex. addi debent *interruptiones* & *cunctationes*, ut videamur nolle dicere. sic enim erit præstantior figura. *Idem.*

<sup>3</sup> *Nec pudor.*] Figura uti videmur propter quendam pudorem & verecundiam: at cum crebræ sunt figuræ, existimat judex nos non audere rem proloqui, propter diffidentiam, atque ita oratio amittit autoritatem & probabilitatem. *Idem.*

<sup>4</sup> *Ream tuebar, &c.*] Subjecere testamentum, est, falsum pro vero supponere: quod qui facit, damnatur *lege Cornelia testamentaria*. hanc igitur partem existimemus negatam, ac putemus hæredes qui scripti testamento fuerant, chirographum deditum quo pollicebantur se reddituros mulieri hæreditatem. itaque contractus erat quidam non absimilis fideicommissio: si tamen fideicommissum fuisset, res non valuisset. *Idem.*

<sup>5</sup> *Per hoc tacitum fid.*] Nam verum fideicommissum fit per interpolationem verborum, quando instituimus hæredem, petimusque ut adiverit hæreditatem, eam restituat fideicommissario. *Idem.*

<sup>1</sup> *Cum*

tiæ, nisi probare voluisse, in foro quoque esse his figuris locum. Quædam etiam quæ probare non possis figura potius spargenda sunt. Hæret enim nonnunquam telum istud occultum, & hoc ipso quod non appetet, eximi non potest. At si idem dicas palam, & defenditur, & probandum est. <sup>1</sup>Cum autem obstat nobis *persona reverentia* (quod secundum posuimus genus) tanto cautius dicendum est, quanto validius bonos inhibet pudor, quam metus. Hic vero tegere nos judex quod sciamus, & verba vi quadam veritatis erumpentia credat coercere. Nam quanto minus aut ipsi in quos dicimus, aut judges, aut assistentes oderint hanc maledicendi lasciviam, si nolle nos credant? <sup>2</sup>Aut quid interest quo modo dicatur, cum & res & animus intelligitur? Quid denique dicendo proficimus, nisi ut palam sit nos facere, quod ipsi sciamus non esse faciendum? <sup>3</sup>Atqui præcipue prima, quibus præcipere cœperam, tempora hoc vitio laborarunt. Dicebant enim libenter tales controversias, quæ difficultatis gratia placent, cum sint multo faciliores. Nam rectum genus approbari nisi maximis viribus non potest: hæc diverticula & anfractus suffugia sunt infirmitatis: ut qui cursu parum valent, flexu elidunt: cum hæc quæ affectatur ratio sententiarum, non procul à ratione jocandi abhorreat. <sup>4</sup>Adjuvat etiam quod auditor gaudet intelligere, & favet ingenio suo, & alio dicente se laudat. <sup>5</sup>Itaque non solum

si per-

<sup>1</sup> Cum autem obstat.] Est etiam utendum *figura*, quando non decet palam dicere propter personæ reverentiam. *figura* enim efficit pudorem, quo movetur honesta persona: apta oratio efficit metum, quo minus honesti homines moventur. *Idem.*

<sup>2</sup> Aut quid interest.] Locus est admodum abruptus, ut aliquid deesse videatur. loquitur enim de his qui nimis frequenter utuntur *figuris*, quod vitiosum existimat. Quod autem sit hic sensus, appetet ex sequentibus. *Idem.*

<sup>3</sup> Atqui præcipue.] Prima tempora quibus præcepit vocat, aut quibus est

primum professus *rhetoricam*, aut quibus scripsit lib. de causis corruptæ eloquentiæ: illis enim temporibus nimius erat usus figurarum. *Idem.*

<sup>4</sup> Adjuvat etiam.] Hac impelluntur causa nonnulli ut *figuris* utantur, quia gratius est hoc dicendi genus auditoribus. nam cum auditor intellexit suspicionem, favet inventioni suæ & suo ingenio. *Idem.*

<sup>5</sup> Itaque non solum.] Utebantur *figuris* non solum quum erat persona honesta, quæ postularet reverentiam, sed etiam cum erat persona nefaria. *Idem.*

si persona obstaret recte orationi (quo in genere s<sup>æ</sup>pius modo quam figuris opus est) decurrebant ad schemata, sed faciebant illis locum etiam ubi personæ inutiles ac nefariæ es- sent: *ut si pater qui infamem in matrem filium secreto occidisset, reus malæ tractationis, jacularetur in uxorem obliquis sententiis.*

<sup>1</sup> Nam quid impurius quam retinuisse talem? Quid porro tam contrarium, quam eum qui accusetur, quia summum nefas suspicatus de uxore videatur, confirmare id ipsa defensione quo diluendum est? At si judicum sumerent animum, scirent quam ejusmodi actionem laturi non fuissent: multoque etiam minus, cum in parentes abominanda crimina spargerentur. Et quatinus huc incidimus, paulo plus scholis deimus. Nam & in his educatur orator: <sup>2</sup> & in eo, quo modo declametur, positum est etiam quo modo agatur. Dicendum ergo de iis quoque in quibus non aspersas figuris, <sup>3</sup> sed palam contrarias caussæ plerique fecerunt: <sup>4</sup> Tyrannidis affectatae damnatus torqueatur, ut conscius indicet: accusator ejus optet quod volet. Patrem qui accusavit, optat ne is torqueatur. pater ei contradicit. Nemo se tenuit agens pro patre, quin figuris in filium faceret, tanquam illum consciūm pater in tormentis esset nominaturus. Quo quid stultius? Nam cum hoc judices intellexerint, aut non torquebitur cum ideo torqueri velit: aut torto non credetur. At credibile est hoc eum velle fortasse. Dissimulet ergo, ut efficiat. <sup>5</sup> Sed nobis (declamatoribus dico)

<sup>1</sup> *Nam quid impurius.*] De hoc themate scripta est *declamatio à Fabio*, quam *Valla* existimat divinam & admirabilem. cum autem maritus accusetur *matre tractationis*, diluere id debet. at si figeret uxorem *obliquis sententiis*, id confirmaret per *suspicionem*. Idem.

<sup>2</sup> *Et in eo, quo modo, &c.*] Sensus est, si quis bene declamaverit, & ad veritatem, idem etiam optime causas egredit. quod igitur dixero de *declamatione*, idem pertinebit ad *institutionem oratoris*. Idem.

<sup>3</sup> *Sed palam contrarias.*] *Dionysius* tamen existimat figuræ quoddam genus esse per *contrarium*, quod videtur *Fab.* reprehendere, aut saltem notare ejus usum, quia *declamatores* perperam eo utebantur. *Idem.*

<sup>4</sup> *Tyrannidis affectatae, &c.*] In hoc est figura, quia quanquam petit, ut torqueatur, alio est animo, sed ita indicat filium esse *tyrannidis* consciūm. est igitur figura à contrario. Idem.

<sup>5</sup> *Sed nobis.*] Alia est *hypophora*, qua *declamatores* tuentur suam figuram. qui- bus

dico) quid proderit hoc intellexisse, nisi dixerimus? Ergo si vere ageretur, similiter consilium illud latens prodidissemus? Quid si neque utique verum est, & habere alias hic damnatus contradicendi caussas potest, vel quod legem conservandam putet, vel quod nolit accusatori debere beneficium, vel (quod ego maxime sequerer) ut se innocentem in tormentis esse <sup>1</sup> prætendat? <sup>2</sup> Quare ne illud quidem semper succurret sic dicentibus, *Patrocinium hoc voluit, qui controversiam finxit.* Fortasse enim noluit: sed esto, voluerit: continuo si ille stulte cogitavit, nobis quoque stulte dicendum est? At ego in caussis agendis frequenter non puto intuendum quid litigator velit. <sup>3</sup> Est & ille in hoc genere frequens error, ut putent aliud quosdam dicere, aliud velle: præcipue cum in themate est, aliquem ut sibi mori liceat postulare: ut in illa controversia, *Qui aliquando fortiter fecerat, & alio bello petierat* <sup>4</sup> *ut militia vacaret ex lege, quod quinquagenarius esset, adversante filio ire in aciem coactus deseruit.* Filius qui fortiter eodem prælio fecerat, incolumentem ejus optat: contradicit pater. Non enim, inquiunt, mori vult, sed invidiam filio facere. Evidem rideo, quod illi sic timent tanquam ipsi morituri, & in consilium suos metus ferunt, oblii tot exemplorum circa voluntariam mortem, caussarum quoque quas habet factus ex viro forti desertor. Sed de una controversia loqui supervacuum est. <sup>5</sup> Ego in univer-

bus respondet Fabius in veris causis occultandum esse hoc consilium, ac perinde idem faciendum in declamatione. Idem.

<sup>1</sup> *Prætendat.*] Pertendat. Pith.

<sup>2</sup> *Quare ne illud.*] Alia est declamatorum objectio. sic enim dicunt, *At ille qui defenditur, hoc modo se defendi vult:* Fabius respondet non esse per omnia litigatoribus obtemperandum. nam & Cicero Cluentium aliter defendit, quam Cluentius veller. Tunc neb.

<sup>3</sup> *Est & ille in hoc, &c.*] Hoc quoque genus referti debet ad figuram ex con-

trario ductam, cum aliud dicimus & aliud volumus. Idem.

<sup>4</sup> *Ut militia vacaret.*] Ex lege militari quinquagenarius vacationem obtinet, ut ex lege civili sexagenarius vacationem a munibibus civilibus, inde dicuntur senes deponitani. Idem.

<sup>5</sup> *Ego in universum, &c.*] Prævaricari hinc appellat Fabius, a vero dicendi genere deflectere. fortasse etiam ad id alludit, quod defensor idem sentit cum accusatore. nam *filius petit ne pater moriatur, idem quoque pater petit, quod attinet ad voluntatem.* Idem.

universum neque oratoris puto esse unquam prævaricari, neque litem intelligo, in qua pars utraque idem velit: neque tam stultum quenquam, qui si vivere velit, mortem potius male petat, quam omnino non petat. Non tamen nego esse controversias hujusmodi figuratas: ut illa, *Reus parricidii, quod fratrem occidisset, damnatum iri videbatur.* Pater pro testimonio dixit eum se jubente fecisse: *absolutum abdicat.*<sup>1</sup> Nam neque in totum filio parcit, nec quod priore judicio affirmavit, mutare palam potest, & ut non durat ultra poenam abdicationis, ita abdicat tamen: &<sup>2</sup> obliqua figura in patre plus facit quam licet, in filio minus. Ut autem nemo contra id quod vult dicit, ita potest melius aliquid velle quam dicit: quomodo ille abdicatus, qui à patre ut filium expositum & ab eo educatum<sup>3</sup> solutis alimentis recipiat postulat, revocari fortasse mavult, non tamen quod petit, non vult.<sup>4</sup> Est latens & illa significatio: qua cum jus asperius petitur à judice, fit ei tamen spes aliqua, clementia non palam, ne paciscamur, sed per quandam credibilem suspicionem, ut in multis controversiis, sed in hac quoque: *Raptor nisi intra trigesimum diem, & raptæ patrem, & suum exoraverit, pereat.* Qui exorato raptæ patre suum non exorat, agit cum eo dementiæ. Nam si permittat hic pater, lis tollitur: si nullam spem faciat, ut non demens, crudelis certe videatur, & à se judicem avertat.<sup>5</sup> Latro igitur optime, Occidet ergo, si potero. Remissius, & pro suo ingenio pater Gallio, *Dura anime hodie, dura: heri fortior fuisti.* Confinia sunt his celebra

<sup>1</sup> Nam neque in totum.] Explicit rationem figuræ Fabius. *abdicatio enim sit ob aliquam causam.* videtur autem abdicatus à patre propter imperfectum fratrem, & tamen liberatus fuerat testimonio patris. Est igitur necessarium ut pater afferat figuram. Idem.

<sup>2</sup> Obliqua.] Alii, *Alioqui.*

<sup>3</sup> Solutis alimentis.] Nam lex erat ut liceret expositum filium recipere, dummodo alimenta solverentur nutritio. Turnebus.

<sup>4</sup> Est latens & illa significatio, qua, &c.] Species etiam est figuræ, quando que durrora sunt, blanditiis verborum & lenitate mitigamus. hanc speciem appellant Græci *εὐφημία.* quanquam & euphemismus appellatur, cum dicimus boni omnis causa. Idem.

<sup>5</sup> Latro igitur optime.] Exemplum est ductum ex oratione *Portis Latronis*, declamatoris insignis, in quo vix deprehendas figuram, propterea quod oratio illa desideratur. Idem.

<sup>1</sup> Nam

brata apud Græcos schemata, per quæ res asperas mollius significant. <sup>1</sup> Nam Themistocles suæsifè existimatur Atheniensibus, ut urbem apud deos <sup>2</sup> deponerent: quia durum erat dicere, ut relinquerent. <sup>3</sup> & qui victorias aureas in usum belli conflari volebat, ita declinavit, victoriis utendum esse. Totum autem allegoriae simile est, aliud dicere, aliud intelligi velle. Quæsitum etiam est quomodo responderi contra figuræ oporteret. Et quidem semper ex diverso aperiendas putaverunt, sicut latentia vitia rescinduntur. Idque sane frequentissime faciendum est, aliter enim dilui objecta non possunt, utique cum quæstio in eo consistit, quod figuræ pertinent. At cum maledicta sunt tantum, non intelligere interim bonæ conscientiæ est. Atque etiam cum fuerint crebriores figuræ, quam ut dissimulari possint, postulandum est, ut illud nescio quid quod adversarii obliquis sententiis significare voluerint, si fiducia sit, objicant palam: aut certe non exigant, ut quod ipsi non audent dicere, id judices non modo intelligent, sed etiam credant. <sup>4</sup> Utilis etiam aliquando dissimulatio est, ut in eo (nota enim fabula est) qui cum esset contra eum dictum, *Jura per patroni tui cineres, paratum se esse respondit*: & judex conditione usus est, clamante multum advocate, schemata de rerum natura tolli, ut protinus etiam præceptum sit, ejusmodi figuris utendum temere non esse.

Tertium est genus, in quo sola melius dicendi petitur occasio: ideoque id Cicero non putat esse positum in contentione. Tale est illud, quo idem utitur in Clodium, *Quibus iste,*

*qui*

<sup>1</sup> *Nam Themistocles.*] Cum Xerxes in Atticam veniret, Themistocles Atheniensibus suavit ut relicta urbe se navibus committerent: sed rem ita declinavit, ut urbem relinquerent diis afferrandam more depositi. Idem.

<sup>2</sup> *Deponerent.*] Herod. lib. 7. *ωδη ηγεθέας.*

<sup>3</sup> *Et qui victorias aureas.*] Simulachra victoriae siebant ex auro. suadebat igitur

aliquis ut ex *victoriae* statua conficerentur pecuniae ad usum belli. sed enim qui *victorias* destruit, videtur verbo ominoso pretendere civitati cladem: quo circa hoc molliendum fuit aliqua figura. Turneb.

<sup>4</sup> *Utilis etiam.*] Seneca in declamationibus hujus rei meminit. hoc enim factum est dicit ab *Altutio*, qui hanc obtulerat conditionem *Aruntio*, quam & ille accepit. Idem.

*I Qui*

<sup>1</sup> qui omnia sacrificia noſſet, facile ab ſe deos placari poſſe arbitra-  
batur. Ironia quoque in hoc genere materiæ frequentiſſima  
eſt. Sed eruditissimum longe, ſi per aliam rem alia induca-  
tur: ut cum adverſus tyrannum qui ſub paſto abolitionis do-  
minationem depoſuerat, ait competitor, *Mihi in te dicere non  
licet, tu in me dic, & potes:* <sup>2</sup> *Nuper te volui occidere.* Frequens  
illud eſt, nec magnopere captandum: quod petitur à jure-  
jurando: ut pro exhaeredato, <sup>3</sup> *Ita mihi contingat hærede filio  
mori.* Nam & in totum jurare, niſi ubi neceſſe eſt, gravi viro  
paruim conuenit: & eſt à Seneca diſtum eleganter, *non pa-  
tronorum hoc eſſe, ſed tertiū.* Nec meretur fidem, qui ſen-  
tentiolæ gratia jurat: niſi ſi potest tam bene quam Demo-  
ſthenes, ut ſupra dixi. Leviffimum autem longe genus ex  
verbo, etiamſi eſt apud Ciceronem in Clodium, *Præſertim  
quam omnes amicam omnium potius quam cujuſquam inimicam pu-  
taverunt.* <sup>4</sup> Comparationem equidem video figuram non  
eſſe, cum ſit interim probationis, interim etiam cauſæ ge-  
nus: & ſit talis ejus forma, qualis eſt pro Murena, *Vigilas tu  
de nocte, ut tuis consultoribus reſpondeas: ille, ut quo contendit,  
mature cum exercitu perveniat. Te Gallorum, illum buccinarum  
cantus excitat, & cetera.* <sup>5</sup> Nefcio an orationis potius quam  
ſententiæ ſit. Id enim ſolum mutatur, quod non universa  
universis, ſed singula ſingulis opponuntur. Et Celsus ta-  
men,

<sup>1</sup> Qui omnia sacrificia noſſet.] Hoc  
ait, propterea quod Clodius ingressus erat  
in opertum Bonæ Deæ, quod non licebat  
viris. Unde ſingit Cic. peritum eſſe fa-  
ſificiorum. Idem.

<sup>2</sup> Nuper te volui occidere.] Figura eſt  
in eo, quod accipi potest vox tyrranica,  
qua occidere tyrranus volebat civem pri-  
varum, accipi potest etiam oblique, quod  
dici non poterat aperte, quaſi compe-  
titor voluerit nuper occidere tyrrannum.  
Idem.

<sup>3</sup> Ita mihi contingat, &c.] Patronus  
hoc jurejurando ſignificat malam fuſſe  
exhaerationem & impiam, quoniam o-  
ptat filium hæredem. ſic enim exhaera-  
tionem aversatur. Idem.

<sup>4</sup> Comparationem equidem.] Duplex eſt  
comparatio: quædam enim ad argumenta re-  
fertur, de qua dixit lib. 5. quædam ad  
genus cauſe, unde cauſa comparativa di-  
citur à Fab. lib. 3. Fabius autem compa-  
rationem non putat eſſe ſchema, Cic. exi-  
ſtimavit in lib. de Oratore, & Rutilius.  
Idem.

<sup>5</sup> Nefcio an,] Ab aliis duæ figure ſiunt  
comparationis. altera enim ponitur in re,  
quam appellant ὁδύκεις: altera po-  
nitur in verbo, quam appellant ἀντίθετοι.  
Rutilius tamen antitheton ponit in ver-  
bo & in re. Idem.

I. Con-

men, & non negligens auctor Visellius in hac eam parte posuerunt. Rutilius quidem Lopus in utroque genere, idque *αντίθετον* vocat. Praeter illa vero quæ Cicero inter lumina posuit sententiarum, multa alia & idem Rutilius Gorgiam fecutus, non illum Leontinum, sed alium sui temporis, cuius quatuor libros in unum suum transtulit, & Celsus vide-licet Rutilio accedens, posuerunt *schemata*. <sup>1</sup> *Consummationem*, quam Græcus *ἀλλαγὴν* vocat, cum plura argumenta ad unum effectum deducuntur. *Consequens*, ille *ἐπικολάθησις*, de quo nos in argumentis diximus. *Collectionem*, qui apud illum est *συλλογής*. *Minas*, id est *κατέβασις*. *Exhortationem*, *προδικεῖσθαι*. Quorum nihil non rectum est, nisi cum aliquam ex his, de quibus locuti sumus, figuram accipit. Praeter hæc Celsus, excludere, asseverare, detrectare, excitare judicem, proverbiis uti, & versibus, & joco, & invidia, & invocatione, intendere crimen, quod est *δεῖνωσις*, adulari, ignoscere, fastidire, admonere, satisfacere, precari, corripere, figuras putat. *Partitionem* quoque, & *propositiōnem*, & *divisionem*, & <sup>2</sup> rerum duarum cognitionem, quod est ut idem valeant quæ videntur esse diversa, ut non is demuin sit veneficus, qui vitam abstulit data potionē, sed etiam qui mentem: quod est in parte finitionis. Rutilius sive Gorgias, <sup>3</sup> *ἀναγνῶσις*, *ἀνέμνησις*, *ἀνθυπόφορεύς*, *ἀντίρρησις*, *προδικεῖσθαι*, quod est dicere quid fieri oportuerit, deinde quid factum sit: *ἐναντίοντα* unde sint entymemata *καὶ αντία*: *μετάληψις* etiam quo statu Hermagoras utitur. Visellius quamquam paucissimas facit figuras, facit *εὐθύμηση* tamen, quod *commentum* vocat: & rationem appellans *ἐπιχειρημα*, inter has habet.

<sup>1</sup> *Consummationem.*] Hæc figura non reperitur in lib. *Rutilii*, ut videtur multilis ille liber ad nos pervenisse. quia autem multa argumenta eidem rei accommodata probationem perficiunt & consummant, idcirco *consummatio* appellatur hæc figura. *Idem*.

<sup>2</sup> *Rerum duarum cognitionem.*] Fit hæc figura, *εἴη res diuersas easdem dicimus*

*esse*, huic opponitur *paradiastole*, quæ ostendit quantum sit discriminis inter ea quæ prope videntur eadem. *Idem*.

<sup>3</sup> *Αναγνῶσις.*] *Necessarium* est, cum causamur necessitatē rerum aut personarum. *Recordatio* est, cum aliquid in memoriam judicis revocamus, ut melius insigatur. *anthypophora*, solutio est *hypophora*. *Idem*.

habet. quod quidem recipit quodammodo & Celsus: nam *consequens* an epicherema sit, dubitat. Visellius adjicit & sententiam. Invenio qui aggregent his *διαστολάς*, *απαγόρευσης*, *αρχαρίων*. Sed ut hæc non sunt schemata: sic alia vel sint forsitan, ac nos fugerint: vel etiam nova fieri adhuc possint, ejusdem tamen naturæ, cujus sunt ea de quibus dictum est.

<sup>1</sup> *Διαστολάς.*] *Expositiones latine* | quimur circumstantias, & addimus mo-  
possimus dicere, quæ fiunt cum perse- | dum. *auctor Hermog.* Idem.

## C A P. III.

## De figuris verborum.

<sup>3</sup> **V**erborum vero figuræ & mutatæ sunt semper, & ut-  
cunque valuit consuetudo, mutantur. Itaque si anti-  
quum sermone in nostro comparemus, pene jam quicquid  
loquimur, figura est: ut *huic rei invidere*, non, ut omnes  
veteres, & Cicero præcipue, *hanc rem*: & *incumbere illi*, non  
*in illum*: & *plenum vino non vini*, & *huic non hunc adulari*, iam di-  
citur, & mille alia: utinamque non pejora vincant. <sup>2</sup> Ve-  
rum schemata λέξεως duorum sunt generum: alterum lo-  
quendi rationem vocant: alterum quod ad collocationem  
maxime exquisitum est. Quorum tametsi utrumque conve-  
nit orationi, tamen possis illud *grammaticum*, hoc *rhetori-  
cum* magis dicere. Prius fit iisdem generibus, quibus vitia.  
<sup>3</sup> Eset enim *omne schema* vitium, si non peteretur, sed ac-  
cideret. Verum auctoritate, vetustate, consuetudine ple-  
runque defenditur, sæpe etiam ratione quadam. Ideoque  
cum

**I**Mpossibile est ut aliquis omnes verbo-  
rum *figuras* complectatur, quia quoti-  
die aliae atque aliae oriuntur pro sermo-  
nis mutatione. Turneb.

<sup>1</sup> *Invidere.*] *Dan. Invadere.*

<sup>2</sup> *Verum schemata.*] Sic quoque divi-  
dunt grammatici, qui *figuras* ponunt *lo-  
cationis* & *constructionis*. sed enim *con-  
structionis* *figuræ* (ut docet Cic.) maxi-

mam afferunt orationi concinnitatem:  
ideoque *rhetorica* à Fabio appellantur.  
Turneb.

<sup>3</sup> *Eset enim omne.*] Id antea docuit  
Fabius, *schema* cum per imprudentiam  
excidit, habendum esse loco *solœcismi*: sed  
enim cum petitur, pro virtute ducitur.  
*Idem. Eset, &c.*] Eset enim omne hujus-  
modi. \* Defuit vet. exempl. vide infra.

<sup>1</sup> *Quo*